



## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Aldebvrgense Monasterium, secundo milliari ab Ostenda, Flandriae opido  
olim situm.

**urn:nbn:de:hbz:466:1-11261**

hæc regnante permisso Dei, Henrico tyranno  
damnato, ac piæ memoriae Gregorio Pontifi-  
ce Romano. Obiit autem VI. Idus Augusti,  
anno Dominicæ incarnationis 1086.

An. 1086.

Ceterum Carolus V. Imp. monachis Munste-  
riensibus Xenodochium pauperum, basilica S. Io-  
annis Baptiste contiguum, atque in ipsa urbe Lu-  
ceburgensi situm, cœnobio novo excitando, post-  
modum donauit, quod hodie ædificij ac discipli-  
nâ monasticâ est illustre. De Munsteriensis cœ-  
nobij origine atque Abbatibus, plura qui volet,  
Ioannem Bertelium, in Historia Luceburgensi  
nuper edita consulat.

### ALDEBURGENSE

Monasterium, secundo milliari ab Ostenda,  
. Flandriae opido olim situm.

An. 865.

**A**ldeburgum primæ olim notæ apud Flan-  
droes opidum fuisse constat. Sed Attila  
Hunnorum Rege Galliam vastante, cum alijs o-  
pidis excisum est; & monstrant hodieq; castro-  
rum Attilæ locum, primo lapide ab Aldeburgo,  
quem vernaculè Attilaghem nuncupant. Tra-  
dunt autem à Balauino Caluo, Flandriae Comite,  
ad annum Christi octingentesimum sexagesi-  
mum quintum, burgum Brugense, cum à pa-  
tre eius muniri coepit esset, Aldeburgi ruderis-  
bus eo adiectis, cinctum fuisse.

In hoc porrò Flandriae tractu S. Vrsmarum,  
Episcopum & Abbatem Laubensem, Euangeliū

olim



olim doctrinam sparsisse, tradit Anso Abbas Laubiensis, in historia vita eius, quæ à Ratherio Veronensi Episcopo emendata. & à Laur. Surio, quamquam non plenè, typis est edita. Nos eam integrum ex manuscriptis codicibus Laubiensibus nacti sumus, in qua sic inter alia legitur: ipse prouinciæ dominus Aldo nomine, B. Vrs mari prædicatione ad fidem Christi conuersus, donauit de suo dictum vocabulo Aldeburch vicum, in quo construxit, atque consecravit Ecclesiam in honore Petri Apostoli, & mille passus vndique per circuitum: de quo postea dotauit Ecclesiam Laubensem, quatenus ipse B. Petrus Apostolus, cui à Domino ligandi atque solvendi collata est potestas, patrocina-  
retur Flandrenibus atque Menapensibus, qui de diuerfis idolorum cultibus reuocati, facta erant vna Ecclesia Christi. Sic Anso & Ratherius.

Anso obiit  
an. 713.

Alij tamen Aldeburgum, siue Oudeburgum, quasi vetus castrum, ab antiquitate sic dictum volunt. Ut ut sit, illud cōstat an. Christi millesimo octogesimo quarto, à S. Arnulfo Suescionum Episcopo monasterium insigne Aldeburgi, in honore SS. Petri & Pauli Apostolorum, exstructū. De his rebus fusè Meyerus in Annalibus Flandrie: An. CCCC. LIII. factum est memorabile illud prælium ab Aetio Romano aduersum Hunnos in campis Catalaunis. Stabant pro nomine Romano, præter Aetij exercitum,

An. 1084.

An. 453.

Visigothi, Alanī, Burgundiones, Frāci & Saxones, magis Attilæ Regis odio, quād Romanorū studio adducti. Attilæ præter Hunnos aderant Ostrogothi, Quadi, Rugi, Gepidæ & Marcomanni. In his Reges sex nominatim memorati, Attila Hunnorum, Valamirus Ostrogothorum, Theodericus Visigothorum, cum filio Thurismundo, Ardaricus Gepidarum, Meroueus Francorum, & Sigebar Alanorum, Ceciderunt CL XXX. millia hominum, in quibus Theodericus Rex Visigothicus. Viētus Attila de morte sibi consicēda cogitauit, sed eo omisso consilio, in Pannoniam se recipit. Eā tempestate vix vlla per Gallias ciuitas Hunnicam subterfugit rabiem. In hac nostra Belgica Tornacum & Taruanam & Aldenburgum excisa lego. Tum Colonia Agrippina, (teste Rhenano) Tungrorum opidum, Nouesium, Vtricesium, Castra Herculis, Vetera, Asciburgum, Nouiomagum, Antennacum, Bingum, Magotiacum, Argentaria, Augusta Rauricorum, multaque alia opida partim ab Hunnis, partim à Francis funditus destructa sunt, quorum de vastatione Sidonius Apollinaris,

Etiam terrificis diffuderat Attila campis  
In campos se, Belga, tuos: (cundum  
Francus Germanum primū, Belgamque se-  
sternebat.

An. C I O. L VI. Aldenburgenses collapsum lōgā ætate D. Petri templū, lapidibus opidi iam olim euersi redificarunt: quā tempestate eo

in opī

in opido tantus est cœmiterio Virginis Matris habitus honos, ut in illo nisi nobiles non sepelirentur, aliquique omnes, qui obscuri essent generis, ad D. Petri humarentur. Pro eius templi restituti memoria hos fecere versiculos:

Anno millesimo quinquageno quoque sexto,  
Huius opus templi cœptum cognoscitur esse,  
Lignea Basilica fuerat quo condita primùm  
De miraculis, quibus est illustratum anno  
C I O. L X X X I. templum Aldéburgense, vide  
Epistolas quas edidimus de Viris illustribus.

Anno C I O. L X X X I V. Conon Roberti  
Flandriæ Comitis cubicularius, Aldenbur-  
gensis Ecclesiæ gentilitium tenebat sacerdo-  
tium. Cæterum Hasecca eius vxor, mulier re-  
ligiosa templum tantis miraculis insignitum  
diutius retinere formidabat. Quapropter Co-  
non suasu vxoris Roberto Comiti, Robertus  
Episcopo Rabodoni, Rabodo autem S. Arnul-  
fo Episcopo Suessionuni id ipsum tradidit:  
quod ipsum Arnulfus, assentiente Roberto  
Comite, statim conuertit in cœnobium Be-  
nedictinorum monachorum.

Anno C I O. L X X X V i j. x v i i j. Kal. Septem-  
bris Aldenburgi defunctus est diuus Arnulfus  
Episopus Suessionum, sepultusque ibi in æde  
D. Petri. Tunc Arnulfus eius nepos ex Aszela  
sorore primus factus est Abbas Aldenbur-  
gensis. Haec tenus Meyerus.

Parrò Aldeburgense monasterium, anno Chri-  
sti, millesimo quingentesimo septuagesimo octavo,

An. 1084.

Fuit iste  
Rabodo seu  
Rabodo  
Nauionen-  
sis ac Tor-  
nacensis E-  
piscopus.  
An. 1087.

Eius vita  
existat apud  
Surius  
T o. 4.

An. 1578.

à Caluinianis pœne funditus est euersum; loci vero huius monachi hodie Brugensi in urbe agunt, pacatiora aliquando tempora exspectantes.

Ceterū inter Abbates Aldeburgenses olim Hariulfus emicuit, qui vitam S. Arnulfi Suefionensium Episcopi litteris consignauit, quæ manuscripta exstat integra in Vrscampo, Ord. Cisterciensis monasterio, apud Nouiomum Picardia urbem, cuius hoc est initium: Domino Lamberto Dei gratia Tornacensi Episcopo filiorum ultimus Hariulfus. Hanc ipsam Surius To. IIII edidit sed præfatione triplici omissa

Huius etiā Aldeburgensis cœnobij alumnus fuit Arnoldus VVionus patria Duacensis, qui bellis ciuilibus apud Belgas renascentibus, in Italiā se contulit, optimeq[ue] de vniuersa familia Benedictina est meritus, libris aliquot, de illius origine, progressu ac viris illustribus, in luce editis, quos Ligni vitæ titulo prænotauit.

## H A M M E N S E

Monasterium, inter Aeriam & Lilariam,  
Arteſieopida.

An. 1018.

**I**oannes Bertinensis Abbas XXXIX. consecratus est an. Domini millesimo octogesimo primo. Huius Abbatis anno tertio Baldinus Ghisnarum Comes, & Ingelramus Lilarensis Dominus à peregrinatione S. Iacobi re-deuntes per Pictauiam, hospitati sunt in monasterio